




Broj: 01,02-02-1-28/15

Sarajevo, 23.12.2015.



**Parlamentarna skupština BiH**

Kolegij Predstavničkog doma

Ustavnoправна komisija Predstavničkog doma

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-правни сектор dostavlja

**MIŠLJENJE**

**o usklađenosti Prijedloga zakona o Ustavnom sudu Bosne i Hercegovine s članom 105.**

**Poslovnika Predstavničkog doma Parlamentarne skupštine BiH i Jedinственим pravilima za izradu правних propisa u institucijama Bosne i Hercegovine**

Predsjedavajuća Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01,02-02-1-28/15, od 18.12.2015., dostavila Prijedlog zakona o Ustavnom sudu Bosne i Hercegovine (u dalnjem tekstu: Prijedlog zakona) Zakonodavno-правном сектору radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinственим pravilima za izradu правних propisa u institucijama BiH.

Prijedlog zakona, broj: 01, 02-02-1-28/15, od 17.12.2015., predložili su poslanici u Predstavničkom domu Parlamentarne skupštine BiH: Mladen Bosić, Aleksandra Pandurević, Borislav Bojić, Momčilo Novaković, Đorđo Krčmar, Nenad Lalić, Lazar Prodanović, Dušanka Majkić, Staša Košarac, Milica Marković, Nikola Špirić i Miroslav Milovanović kao ovlašteni predlagači, u skladu s članom 104. stav (1) Poslovnika Predstavničkog doma.

**I. Usklađenost s odredbama Poslovnika Predstavničkog doma**

**Parlamentarne skupštine BiH**

Prijedlog zakona je, u skladu s članom 105. stav (1) Poslovnika Predstavničkog doma, podnesen u formi teksta, u pisanoj i elektronskoj formi, na jednom jeziku i pismu u službenoj upotrebi u BiH.

Članom 105. stav (3) Poslovnika Predstavničkog doma propisano je da se uz prijedlog zakona dostavlja obrazloženje koje sadrži:

- a) ustavni osnov za usvajanje zakona
- b) razloge za donošenje zakona
- c) principe na kojima je zasnovan prijedlog zakona
- d) procjenu finansijskih sredstava neophodnih za provođenje zakona

- e) mišljenje Direkcije za evropske integracije o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona i
- f) bilo koje druge okolnosti koje bi Domu mogle pojasniti razloge za donošenje zakona.

U vezi s tim, uz Prijedlog zakona dostavljeno je obrazloženje, koje sadrži:

1. ustavni osnov;
2. razloge za donošenje;
3. usklađenost propisa s evropskim zakonodavstvom;
4. objašnjenje pravnih rješenja te
5. finansijska sredstva.

U obrazloženju, što bi bilo u skladu s članom 105. stav (3) tačka c) Poslovnika Predstavničkog doma, *nisu izričito navedeni principi na kojima je zasnovan Prijedlog zakona*, ali se neki od principa navode u dijelu obrazloženja koji se odnosi na ustavni osnov.

U skladu s članom 105. stav (4), iako se u obrazloženju navodi da materija koja se obrađuje nije regulirana pravnoobavezujućim aktima EU, mišljenje Direkcije za evropske integracije Bosne i Hercegovine o Prijedlogu zakona pribavlja Kolegij Doma.

Članom 105. stav (5) propisano je da se uz prijedlog izmjena ili dopuna zakona prilažu i odredbe članova koje se mijenjaju, odnosno dopunjavaju, te verzija prečišćenog teksta zakona. S obzirom na to da je riječ o novom Prijedlogu zakona, ova odredba se ne primjenjuje.

Iz navedenog proizlazi da je Prijedlog zakona o Ustavnom sudu Bosne i Hercegovine **usklađen** s članom 105. stav (3) Poslovnika Predstavničkog doma.

## **II. Usklađenost s Jedinostvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)**

Prijedlog zakona svojom formom i stilom odražava pravila izrade pravnih propisa, kako je i propisano Jedinostvenim pravilima za izradu pravnih propisa u institucijama Bosne i Hercegovine.

U Prijedlogu zakona je, u članu 32. koji se odnosi na rodnu ravnopravnost, navedeno da se svi izrazi koji imaju rodno značenje jednako odnose na sve rodove. Jedinostvenim pravilima za izradu pravnih propisa u institucijama Bosne i Hercegovine, u članu 44a. navodi se:

### **"Član 44a.**


(1) Izrazi koji su radi preglednosti dati u jednom gramatičkom rodu u Pravilima i propisu donesenom na osnovu Pravila bez diskriminacije se odnose i na muškarce i žene.

(2) *Nosioci normativnih poslova dužni su u uvodnim odredbama propisa navesti definiciju iz stava (1) ovog člana*",

te u smislu propisane strukture propisa Prijedlog zakona *nije u potpunosti usklađen* s Jedinstvenim pravilima za izradu pravnih propisa u institucijama Bosne i Hercegovine.

Istovremeno, napominjemo na odredbe člana 105. stav (7) Poslovnika Predstavničkog doma: „(7) Poslanici će, prilikom izrade prijedloga zakona, tražiti stručnu pomoć Zakonodavno-pravnog sektora Sekretarijata Parlamentarne skupštine BiH, u smislu usklađivanja prijedloga zakona s Jedinstvenim pravilima za izradu pravnih propisa u institucijama BiH“.

Rukovoditeljica  
Zakonodavno-pravnog sektora  
Mirjana Kutanjac



Dostaviti:

1. naslovu
2. sekretarki Zajedničke službe Sekretarijata

